

16. 11. 2017

UKA2017/87

**Uunga siunnersuut: Aalisarneq pillugu Inatsisartut inatsisaat nr. Xx. Xx. XXXX.
2018-imeersoq.**

(Aalisarnermut Piniarnermullu Naalakkersuisoq)

Aalisarnermut inatsisisatut siunnersuut Siumumit imaattumik oqaaseqarfingissuarput.

Siullermik Siumumiit pingaartitavut erseqqissaatigilaassavakka:

Pisuussutit uumassusillit pisarineqartartut tamakkiisumik atorluarneqartarnissaat nunamullu tamarmut iluaquataanissaat siunertaajuassaaq. Tamanna aamma isumaqarpoq, pisuuussutit uumassusillit ullumikkut tamakkiisumik atorluarneqanngitsut, inuiaqatigiinnut iluaquitissanngorlugit atorluarneqalernissaat siunnerfigalugu isumatu-saartumik suliniuteqarnissaq.

Pisuussutit uumassusillit tamaasa nunatsinni pisortat oqartussaaffigaat, namminerlu aalajangiiffisartussaallugit, aammalu nunatsinni innuttaasut ileqqorissaartumik pisuussutinik uumassusilinnik atuinissaat aqqutissiuutissallugu.

Aalisarnikkut inuussutissarsiorneq nunatta nappatigaa, taamaattumillut ineriartortittu-arnissa naleqqussartuarnissaalu pisariaqarluni. Aalisarneq ingerlanneqassaaq aalisar-nermik inuussutissarsiuteqartut nunaqvissut salliutillugit.

Inuuusuttut aalisartut periarfissaat pitsaanerusut sinaakusersorneqassapput. Taamaam- mat aalisarnerup iluani aaqqissusuusseqqinneaq Siumup suleqataaffigissavaa, imartatsin- ni aalisagartassiissutit amerlanerusut inuiaqatigiinnit atorluarnerunissaat aqqutissi- uallugu.

Nuannaarutigivara Aalisarneq pillugu Inatsisisatut siunnersuut kinguartinneqaqat- taartuarsimasoq Naalakkersuisut piumassuseqarlutik minnerunngitsumillu sapiissuse-

qarlutik ukiaq manna Inatsisartut ukiakkut ataatsimiinneranni saqqummiussinnaam-massuk.

Nalaatsornerinnaanngilarlu Upernaakkut ataatsimiinnermi aappassaaneerneqartussanganorsinnaanera pisussanngortinneqarmat amerlanerussuteqartut aaliangissappassuk, ataatsimiititaliamut susassaqartumut aappassaaneerneqartinnani suliarineqassasoq.

Aalisarneq pillugu Inatsisissatut siunnersuut immini imartoорujussuuvoq peqqissaarulluinnarlugulu suliassaavoq, taamaattumik siullermeerneqarnerata aappassaaneerneqarnissaatalu imminnut ungasinnerat atorluartariaqartoq Siumumiit isumaqarpugut.

Qulaajangassat annertupput, assersuutigalugu inatsisissatut siunnersuutissamik immikkut nalilersuisinneqartuniit annaaneqarsinnaasut kisiisa aallaavigalugit illuinnaasiortorujussuarmik nalilersuineq ingerlanneqarsimasoq takusinnaavarput, raajarniarnerup inuiaqatigiinnguanut amerlanerumaanut inuussutissarsiutineqalersinnaaneranut tunngasoq qimerlloorutsigu annaasaqartussat kisimik aallaavittut atorneqarsimanerat Siumumit piviusorsiortutut isiginngilarput, allaanngilaq pisassat 50/50-sinngortsitsinermi sinneruttut atorunnaartussanngortut, aappaatullu toqqaannartumik toqqaannanngitsumillu piginnittuunerup eqqunneqarneratigut aamma illuartinneqartussat aalisaqqinnejqaratik ingiinnarneqartussanngortut.

Pisassat pineqartut illuartinneqartussat imminni nalilerujussuupput, minnerunngitsumillu aalisalersussanut aamma inuussutissarsiutaalersussaassallutik. Taakkualu qallorneqalerunik soorunalimi isertsitsissutaasussaassapput nunami sulisartunut aalisartunut akittuutitigullu aamma nunatta karsianut soorunalimi iluaquitaassaqaat.

Siumumiit nalunngilluinnarparput, sinerissap qanittuani aalisarneq sunulluunniit aalisakkamut tunngassuteqartoq nunamut tulaassuisussaatitaanikkut annertooru-

jussuarmik innuttaasunut suliffissaqartitsisartoq, taamaalillunilu aningaasarsiornikkut innuttaasunut iluaqutaanerpaanngortarluni.

Taamaammat Siumumiit iluarismaarpalput aalisakkanik qalerualinnillu nunatsinnut iluanaarutitaqanngitsumik annissuinerujussuaq kiisami illuatungilerneqarmat.

Ilanngullugulu puiussanngilarput nunatsinni siamasissumik najugaqariaseqarnerput, taamaattumik inuussutissarsiuq pineqartoq nunap inuinut sinerissami siammarsi-mallutik najungaqaqtunut aamma periarfissiinissaa ilanngullugu nalilersuisoqarsin-naanera saneqqunneqarsinnaanngitsoq Siumumit nalilerparput.

Illuinnaasiortumillu nalilersuisoqarsimanera pissusissamisuunngitsoq eqqarsaatigalugu pisariaqarsorinarpoq pisassat pineqartut illuartinneqartussat qanoq naleqarsinnaanerisa ilanngullutik nalilersorneqarnissaat, nalilersuisoqassappallu nunatsinersunik nalilersorneqarnissaat kissaatigaara, naammalerpormi suut tamarmik nunatta avataaniit suliarineqartarneri.

Taamatut Siumumit naatsumik oqaaseqarluta Inatsisisstatut siunnersuut Aalisarermut Piniarermut Nunalerinermullu ataatsimiititaliamut innersuupparput, aappassaaneerneqannginnermini peqqissaarullugu suliarineqarsinnaaqquullugu.

Nikkulaat Jeremiassen, Siumut